



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

**Plan stručnog osposobljavanja lica bez zasnivanja radnog
odnosa u Gradu Sarajevo za 2026. godinu**

Sarajevo, januar 2026. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 5. Pravilnika o uslovima i postupku izbora i prijema lica na stručno osposobljavanje bez zasnivanja radnog odnosa u Gradu Sarajevo („Službene novine Kantona Sarajevo“, broj 1/26), člana 120. Pravilnika o unutrašnjoj organizaciji i sistematizaciji radnih mjesta organa uprave Grada Sarajeva, broj: 01/04-30-444/23 od 19.01.2023. godine, člana 69. Pravilnika o unutrašnjoj organizaciji i sistematizaciji radnih mjesta stručnih službi gradonačelnice Grada Sarajeva, broj: 01/04-30-457/23 od 19.01.2023. godine, a u skladu sa članom 79. Statuta Grada Sarajeva („Službene novine Kantona Sarajevo“ broj 7/23), gradonačelnik Grada Sarajeva donosi

Plan stručnog osposobljavanja lica bez zasnivanja radnog odnosa u Gradu Sarajevo za 2026. godinu

I

Ovim Planom stručnog osposobljavanja lica bez zasnivanja radnog odnosa u Gradu Sarajevo za 2026. godinu utvrđuje se način, broj i stručna sprema lica koja će biti primljena na stručno osposobljavanje, kao i sam program stručnog osposobljavanja.

II

Prijem lica na stručno osposobljavanje bez zasnivanja radnog odnosa vrši se na osnovu Javnog poziva za izbor lica na stručno osposobljavanje u Gradu Sarajevo koji raspisuje gradonačelnik Grada Sarajeva u skladu sa Pravilnikom o uslovima i postupku izbora i prijema lica na stručno osposobljavanje bez zasnivanja radnog odnosa u Gradu Sarajevo.

Javni poziv se objavljuje u jednom dnevnom listu i na službenoj web stranici Grada Sarajeva, i otvoren je najmanje 15 (petnaest) dana od dana objave javnog poziva.

III

Grad Sarajevo će tokom 2026. godine na stručno osposobljavanje primiti ukupno 9 (devet) lica VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja, i to:

- 2 (dva) lica – Pravni fakultet,
- 2 (dva) lica – Ekonomski fakultet,
- 2 (dva) lica – Arhitektonski fakultet,
- 3 (tri) lica – Fakultet političkih nauka – Žurnalistika.

IV

Lica na stručnom osposobljavanju se naizmjenično upućuju na praktičan rad na pojedine poslove i zadatke, tako da se u toku obavljanja stručnog osposobljavanja upoznaje sa vršenjem svih poslova i zadataka u organima Grada Sarajeva.

V

Lica na stručnom osposobljavanju visoke školske spreme provode staž u trajanju od 12 (dvanaest) mjeseci po sljedećem programu i trajanju:

- teoretsko upoznavanje sa poslovima kancelarijskog poslovanja u pisarnici – 1 (jedan) mjesec;
- teoretsko upoznavanje s osnovama ustavnog sistema, sistema uprave i lokalne samouprave i upravnog postupka – 1 (jedan) mjesec;

- teoretsko upoznavanje sa personalnim poslovima i poslovima radnih odnosa – 1 (jedan) mjesec;
- teoretsko upoznavanje sa poslovima izrade propisa iz djelokruga organa Grada Sarajeva – 2 (dva) mjeseca ako je lice diplomirani pravnik, a 1 (jedan) mjesec za ostala lica;
- teoretsko upoznavanje sa poslovima iz djelokruga organa Grada Sarajeva – obavljanje praktičnih poslova iz djelokruga organa Grada Sarajeva pod nadzorom rukovodioca organa uprave i mentora – ako je lice diplomirani pravnik 7 (sedam) mjeseci, a 8 (osam) mjeseci za ostala lica.

VI

Radi provođenja staža stručnog osposobljavanja licu će se staviti na raspolaganje sva literatura, zakoni i drugi propisi koji su mu potrebni za teoretsko ovladavanje poslovima na kojima provodi staž.

VII

Gradonačelnik Grada Sarajeva dužan je obezbijediti da lice obavi staž stručnog osposobljavanja kako je predviđeno u tački V ovog Plana.

VIII

Staż stručnog osposobljavanja lica obavlja se pod nadzorom državnog službenika odnosno namještenika, kojeg odredi gradonačelnik Grada Sarajeva, koji je obavezan polugodišnje, do kraja obavljanja staža stručnog osposobljavanja, dostaviti Izvještaj o praktičnom obavljanju poslova i zadataka povjerenog lica, gradonačelniku Grada Sarajeva.

IX

Ovaj Plan stupa na snagu danom donošenja i važi za 2026. godinu.

Broj: 01/04-30-207/26
Sarajevo, 15.01.2026. godine

GRADONAČELNIK

Samir Avdić, s.r.